

Høyring ang. samanslåing av ungdomsskulane

Innleiing

SU på Kaland barne-og ungdomsskule vil starte si uttale med å seie at dette har vore ei tung sak å ha hatt hengjande over skulekrinsen gjennom mange år. Ein vil ikkje leggje skjul på at det største ønsket hadde vore å få samla ungdomsskulen på ein ny skule heilt lausriven frå barneskulane, men ser at den økonomiske situasjonen til kommunen ikkje gjev rom for dette på mange år framover.

Det er mange følelsar og stort vemod knytt til det å eventuelt leggja ned ungdomsskulen på Kaland. Det har vore ungdomsskule her i mange år, så det er ei lengre skulehistorie som no står framfor ei avgjerd. Det synast vi er verd å vise respekt for. Det er ikkje godt å vera den som misser noko, difor er det fint å lesa at kommunen ønskjer å gi noko tilbake, og at ein ser moglegheita i å etablera fleire kulturaktivitetar på Kaland. Det gjev håp om at noko nytt kan verte tilført og at kommunen ønskjer å satsa også i denne delen av kommunen. Med tilretteleggjing av tomtar og byggjeland, gjev det von om tilflytting her i åra framover.

Skulen er i dag i bruk til ulike aktivitetar på kvar av vekedagane, SU er glade for at det er aktivitetar som kan halda fram i fortsetjinga uavhengig av kva kommunestyret bestemmer. Symjeklubb, skulekorps og andre aktivitetar for vaksne er viktige etablerte lag i bygda som er med på å skape liv og samhald. Dugnadsånda står høgt i området, den er det viktig å støtta opp om.

Kommentarar til punkta i høringsbrevet

- Skulestruktur:

- Ungdomssteget vert samla ved Årås skule. Det vert lagt opp til ein opptappingsplan slik at 7.steg ved Kaland skule startar på ungdomssteget ved Årås skule hausten 2021. 10.steg fullfører ungdomsskuleløpet ved Kaland barne- og ungdomsskule.

Med bakgrunn i den grundige rapporten til Norconsult ser ein at med den byningsmassen som er tilgjengeleg på dei to skulane, er det Årås skule som gjev den mest økonomiske løysinga. SU støttar rådmannen sitt framlegg og er glade for at det er gjort framlegg om utfasing av elevane slik at 10.kl får gjennomført siste året sitt i grunnskulen utan altfor store og inngripande endringar.

*- Årås skule vert frå skuleåret 2021 Årås barne- og ungdomsskule.
- Kaland barne- og ungdomsskule, blir frå hausten 2022 rein barneskule og vil då få namnet Kaland barneskule.*

SU støttar rådmannen sitt framlegg til namneendringar.

- Austrheim kulturskule blir administrativt samlokalisert med Kaland barneskule. Kulturskulen skal framleis vere desentralisert. Det vil vere mogleg å utvikle Kaland barneskule til eit framtidig kulturskulesenter i tillegg til dagens lokalitetar for kulturskulen. Administrativt blir kulturskulen lagt under Kaland skule og tenestetilbodet må forankrast i ein musikk- og kulturskuleplan.

SU er svært positiv til rådmannen sitt framlegg om å etablere kulturskulen med base på Kaland. Det gjev håp om at noko nytt kan tilførast denne delen av kommunen. SU støttar rådmannen sitt framlegg.

- Inntaksområdet for ungdomssteget i Austrheim vert heile Austrheim kommune. For barnestega vil gjeldande krinsgrenser halde fram. Krinsgrenser Kaland skule: Leirvåg/Litlås/Kaland, Fonnes og Bakkøy. I tillegg til interkommunal krinsgrense for Åsheim. Krinsgrenser for Årås barnesteg: Nøten/Litlelindås, Leikvoll/Førland, Hopland/Bergsvik/Lerøy, Austrheim, Sætre, Årås, Budal/Toftegård/Ulvøy, Rebzor/Øksnes/Dyrnes og Øyane. Årås ungdomsskule: Heile Austrheim kommune.

No har vel Alver kommune tilbakeført Åsheim krinsen til Alver kommune. Vi skulle svært gjerne hatt Åsheimkrinsen med oss i fortsettjninga. Utover dette støttar SU rådmannen sitt framlegg til inntaksområde.

Andre tilrådingar:

- Det vert innført femdagarsveke for alle elevar i Austrheim frå og med hausten 2021.

SU ser at det er både fordelar og bakdelar med å innføra femdagarsveke for alle elevane. Foreldre er oppteken av at fri-onsdagen for 1.-3.kl har vore ein god pause for ungane, der dei kan vera heime og ha ein annleis dag.

SU ser at det vil vera pedagogiske fordelar med femdagarsveke, då ein får kortare skuledagar og fleire dagar å fordele læringsarbeidet på. Ein vil og få meir tid til lek kvar dag.

- Det skal etablerast eit tenleg samarbeid med Austrheim vidaregåande skule vedk. arbeidslivsfag, forsering av fag, teknologi etc.

SU støttar rådmannen sitt framlegg, og synast det er eit svært godt fagleg tilbod for elevane i Austrheim. I tillegg gjev det ei tilknytning til den vidaregåande skulen i kommunen.

Skulebygg:

- Prinsippa i rapporten vert lagt til grunn som skulebruksplan for framtidig skulebygg.
- Skulane vert sett i stand i tråd med tilrådinga i rapporten til Norconsult. o For Årås skule må det setjast av midlar i tråd med investeringsbehova for lett ombygging/oppussing med ei ramme på kr 1 037 400,-
- For Kaland skule må den tilretteleggjast for at spesialiserte rom kan lokalisert i eksisterande bygg. Kostnadsramme for lett, middels og tung investeringsbehov på kr 2 321 800,-
- Det vert lagt ein framdriftsplan for at desse skal vere klar så snart som mogleg. Det vert sett av ei samla investeringsramme på kr 15 mill i tråd med investeringsbehovet.
- Det skal utarbeidast ein vedlikehaldsplan for ein 10 årsperiode som sikrar gode skulebygg og vedlikehaldsetterslep.
- Kaland 1 vert ikkje lenger nytta til skuledrift. Det må i eiga sak vurderast tiltak/bruk for Kaland 1 i framtida.

SU meiner at det er heilt naudsynt at det vert gjort ei kraftig oppgradering av skulen på Kaland for at det skal kunna drivast god skule med dei krav til innhald og utforming som framtidens skule krev. Her er eit betydeleg etterslep på både vedlikehald og oppgradering av dei delane av skulen der klasseromma og spesialromma ligg. Norconsult har laga ein god moglegheitsstudie som kan vera eit godt utgangspunkt for dette. Kaland 1 må takast ut av bruk snarast. SU ser ikkje dette som eit bygg eigna for undervisning etter dagens krav. Det hastar å få gjort noko med bygninga.

Kaland 1 må under ingen omstende verte ståande til nedfalls som ei spøkjelsesbygning midt i «hjarta» av bygda.

- Det må vurderast om modulbygg på Kaland kan nyttast til andre føremål, t.d. personalavdeling til Kaland barnehage. Ein syner elles til vurderingar og utgreiing i rapport: «Austrheimskulen i framtida – skulestruktur 2021».

SU meiner modulbygget i første omgng må kunne nyttast som avlastningsbygg mens ombygging pågår inne på skulen. Deretter må det flyttast frå området til skulen dersom skulen ikkje lenger skal nytta det. Kva kommunen ellers ønskjer å nytta det til, har vi ingen kommentar til.

SU ved Kaland barne-og ungdomsskule

Kaland 21.12.2020

Morten Sognnes(leiar)

Lene Sylta

Peter Landa

Renathe Bø

Veronica Halvorsen(nestleiar)

Helene Ellingsen

Annicka Westerfors Sletten

Anja Laastad

Birgitte Gullaksen(skrivar)